



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. || Lvdovici || De Ponte Vallis-||Oletani, È Societate ||  
Jesv Theologi.|| De || Christiani hominis || Perfectione In  
Qvo-||libet eius Vitæ genere.|| Tomi Qvatvor.||**

Quorum argumenta ex S. Rvth Historia præcipué desumpta

**Puente, Luis de la**

**Coloniæ Agrippinæ, 1625**

Cap. XVI. Timorem vltimæ Tribulationis in mundi sine futuræ, eorumque considerationem, quæ tunc euenient, diuinam esse vocationem.

**urn:nbn:de:hbz:466:1-39652**

1. Cor. 1. 9.

in tanta copia, tantaque eminentia repletum, vt q̄ nec oculus viderit: nec aures audierit, nec in cor hominis ascenderit, quod in eis latet. O felices labores talibus præmijs renumeratos! ô beatam pœnitentiam, cuius finis est tanta gloria! cur non velociter, prompteque Dei vocationi acquiescas, te inuitantis ad tua peccata deferenda, cum non aliud per eam intendat, quam te ad sublimium aded bonorum possessionem euehere.

## CAPVT XVI.

## TIMOREM VLTIMAE TRIBVLATIONIS

*in mundi fine futura eorumque considerationem, quæ tunc euenient, diuinam esse vocationem.*

2. Mat. 24. 21.

Aduentus Christi duplex.

Matt. 24. per totum.

Act. 24. 24.

Lib. 29. Moral. c. 6.

2. Thess. 2. 7.

**E**XPRESSA est Christi D. N. sententia & assertio, quod a tribulatio in fine mundi, quando ipse ad eum iudicandum est venturus, aded sit futura magna, qualis non fuerit ab initio mundi vsque modo, nec vsque ad eiusdem finem fiet. Quare nec tribulatio illa tempore diluuij, nec Sodome, aut Ægypti cum suis omnibus plagis, nec ipsius Ierusalem, cum fuit deuastata, nec vlla alia possit aliqua ratione cum vltima futura comparari. Nam quemadmodum DEVS D. N. primo suo aduentu ad mundum redimendum, peccatoresque reconciliandos, qui ex ipsius redemptione fructum capere vellent, thesauros suæ misericordiæ aperuit. Ita idem Dominus in secundo suo aduentu, iræ suæ thesauros manifestabit, ad eundem mundum puniendum; & vindictam sumendam de rebellibus peccatoribus, qui erectum semper in templo animæ suæ habuerunt abominationis idolum, hoc est peccatum: cuius causa vastabuntur, ac tribulationis illius furore destruentur. Eam tribulationem explicauit Christus D. N. in sancto suo Euangelio fusissimè, tanquam efficacissimum diuinæ suæ vocationis medium: vt nos ad Sanctum iustitiæ suæ timorem, vitæque nostræ emendationem permoueret, & ad proijciendum in terram idolum illud tantæ eius calamitatis causam permoueret. In quem etiam finem eam predicabat, docebatque S. Paulus & reliqui Apostoli, & post eos etiam SS. Patres & Ecclesiæ Doctores. Et esto huius vltimæ tribulationis memoria non sit apud aliquos aded efficax, existimantes, eam in ipsorum diebus non futuram: tamen (vt S. Gregorius ait) quot sunt, qui illius quidem tentationis tempora non videbunt; in quam tamen sunt omnino immensi: quia multa in se ipsis experiuntur, quæ tunc euenient? Et quamuis necdum venerit Antichristus: tamè vt ait Apostol. b. *mysterium iam operatur*

iniqui-

*iniquitatis* in multis: ac proinde etiam ea damna operatur, qua tunc eueni-  
ent. Quare ita debes hanc tribulationem meditari ad excitandum in te di-  
uinæ iustitiæ timorem; vt simul partem illam eius examines, quam nunc  
temporis in ea habes: vt per poenitentiam studeas eam à te repellere, ante-  
quam ex temporanea tibi fiat aeterna.

Hæc tribulatio tria complectitur tremenda supplicia, quæ superueni-  
ent peccatoribus: vnum est Draconis Luciferi malorumque eius Angelo-  
rum; alterum est Antichristi & peruersorum eius ministrorum; tertium est  
spectabilis huius mundi eiusque creaturarum.

*§. 1. Luciferi persecutio.*

**S**UPPONENDVM hic est, Christum D. N. (quemadmodum ait S. Gre-  
gorius multi que alij Patres) in die Passionis ac mortis suæ realiter ac  
verè eiecisse ex hoc mundo, tenebrarum Principem Luciferum, qui  
alio nomine appellatur Sathan, Draco, & Serpens antiquus, qui tentauit ac  
vicit Adamum & Euam in paradiso; imò & ipsum Christum D. tentauit in  
deserto, eiusque morti interfuit: cuius tamen sanguinis virtute in carcerem  
coniectus, ac horrendis in abyssis inferni catenis aded est constrictus: vt  
nunquam ipsemet inde sit ad homines tentandos, fructumque prædica-  
tionis Euangelicæ impediendum exiturus. Et quamuis Dæmones aliquos  
reliquerit, qui in mundo versarentur, omnesque exercitij causa tentarent:  
eisdem tamen ita manus ligauit, vt non possint tantum nocere, quantum  
ipsi vellent: & si permitterentur, possent. Quamobrem S. Augustinus, æquè  
grauiter ait, eum delinquere, qui ab hoc hoste vincitur; atque eum, qui ad  
rabidum canem alligatum tam propè accedit, vt ab eo lædatur: qui nisi ac-  
cessisset, læsus non fuisset: sic enim dæmon, quamuis tentatione sua alla-  
trare possit, non tamen mordere, aut quenquam mactare, nisi libere ijs,  
quæ ipse suggerit, consentientem. Ad finem tamen mundi CHRISTVS  
Dominus Noster draconem hunc è carcere illo liberabit permittetque ex  
inferno prodere, & per se ipsum homines tentare, ac nocere quantum po-  
terit peccatoribus, qui ipsius tentationibus sese dediderunt. Cuius ira a-  
ded erit horrenda, & persecutio furiosa; vt, nisi idem DEVS D. N. tem-  
pus illi ad sic nocendum præscriberet, a non foret salua omnis caro. Sed mi-  
sericordia diuina tempus illud tribulationis ita limitabit, vt sesqui quartum  
annum non excedat: & qui sunt electi eam tolerare, & læcerum commo-  
dumque ex eadem habere possint. Sic enim persecutio illa nouum quod-  
dam erit peccatorum supplicium, ad iustitiæ diuinæ in rebelles fenerita-  
em manifestandam: vt simul sit electorum probatio, in quibus diuina gra-  
tiæ efficacia manifestetur: & vt omnes aduertamus, quâto nunc bono frua-  
mur ob IESV Christi sanguinem, cum draco ille vinctus & ligatus in infer-

S. Greg. li. 7.  
Moral. c. 13.  
Fl. 22. c. 12.  
oan. 2. 3.  
Nunc prin-  
eps huius  
mundi eici-  
tuo foras  
Vide Riber.  
in Apoc. 20.  
& Viegas.  
ibidem Se-  
tio. 2.  
Apos. 20. 2.  
Matt. 12. 29.

Dæmonis  
fracta po-  
sentia.

Dæmon ses-  
qui quartus  
suet annis.  
Matt. 24.  
2.

no teneatur. Si enim etiā ligatus tantam stragē per suos ministros alios demones in mūdo edidit, quemadmodū apparet in tot Gentibus, Mauris, Iudais, Hæreticis, improbisq; Christianis, qui se ipsi prostrauerunt: quantam edidisset, si ipsemet liber fuisset: ac porro quantam facturus est, cum liber erit: id enim significat vox illa cælestis: *bea terra & mari, quia descendit diabolus ad vos habens iram magnam: sciens quod modicum tempus habet*, scilicet ad nocendum. Sed hæc adeo tremēda vox Dei est admonitio: vt tibi statim consulas, aduertens, num Sathan operatus sit in corde tuo *mysterium iniquitatis*. id enim facit, soluendo carnis passiones, quæ sunt dæmones voluntarij, & omnium vitiorum instrumenta. Quare si nosse velis, quando Sathan liber aut ligatus sit tibi, id deprehendes ex iis, quæ in te facit passio gula, luxuria, ira & similia: si enim hæc ligatæ sunt, francoque rationis continentur: signum est, dæmonem tibi esse alligatum; diuinamque misericordiam eum in carcere continere, ne tibi noceat: quod si illa effrenes sunt, signum est, hostem ipsum tibi esse solutum: quia iam *mysterium operatur iniquitatis*, siquidem eum effectum iam in te effecit, quæ operabitur in mundo, quando dimittetur ex inferno. Quid igitur facies miser, videns in templo cordis tui *idolum desolationis*, quod est peccatum? Quomodo non timebis, ne Deus Sathanam contra te soluat, permittens dæmonibus, vt aggrediantur, deiciantque te in alia innumerabilia, donec te omninò deuantent? cur tu non te ijs opponis, & vastare contendis eos, qui te vastare conantur? & cur non tu fortiter alligas passiones, quæ tantam audaciam & potestatem crudelibus tuis hostibus faciunt? o mundi Saluator, qui manus tuas crudelibus fribus alligari permisisti, & in cruce clauis durissimis configi: per hæc tua vincula supplex oro, vt manus Dæmonis ita alliges, vt liceat mihi eas fugere, & euadere: & quando quidem *esortem hunc armatum iam alligasti, eiusq; spolia abstulisti*; ad tuam gloriam spectabit, ligatum adhuc illum tenere, tuaque gratiā me adiuuare, vt eius ego tyrannidem euadam.

§. 2. *Persecutio Antichristi.*

SECUNDA horrendæ huius tribulationis causa erit Antichristus, quem Apostolus a *hominem peccati & filium perditionis*, appellat: *qui aduersatur & extollitur supra omne quod dicitur Deus: ita vt in templo Dei sedeat, ostendens se tanquam sit Deus*: cuius aduentus erit in virtute Sathana, tanquā homo peccatis omninò immerfus, omniq; vitiorū generi deditus, Luciferi ipsius suggestione deductus ac directus, vt homines a veri Christi Fide abducat. Nam quemadmodū Saluator noster suo aduentu mundū expugnauit, peccatoresque conuertit, triplici eos funiculo trahens, *promissione* scilicet regni cælestis ac bonorū spiritualium; *minis* inferni æternæque damnationis; ac *viuis & efficacibus rationibus*, quæ doctrina suæ veritatem, virtutis pulchritudinem, ac vitiorum fæditatem apertè patefacerent: quæ omnia ad-

b Apoc. 12.  
12.

Resistite  
diabolo.

c Luc. 11. 22.

2 2. Thess.  
2. 3.

Tres funi-  
culus Christi.

ed stupendis verisque prodigijs confirmabat; vt manifesto essent testimo-  
nio eius diuinitatis ac sanctitatis. Ita Antichristus persecutionem suā excita-  
bit, expugnando, & ad se trahendo homines triplici alio funiculo, diuitiarū  
scilicet, voluptatum, honorum, aliorumque temporalium bonorum *pro-*  
*misione*; minus horrendorum cruciatuum ac suppliciorum in eos, qui ipsum  
sequi detrectauerint; ac *rationibus* Sophisticis titulo iustitiæ & sanctitatis  
obductis, quas falsis miraculis prodigijsque adulterinis, ad eō apparentibus  
confirmabit: vt, quemadmodum ipse Saluator dixit, sufficerent, b vt ( si fieri  
posset) etiam *electi in errorem inducerentur*. quæ tribulatio propterea erit ma-  
ximè terribilis, quod olim, etsi Martyres cruciatus, & tormenta pateren-  
tur, tamen ipsi miracula facerent: sed Antichristi tempore (quemadmodum  
Sanctus Cyrillus alijque Patres asserunt) ipse carnifex miracula faciet, Mar-  
tyr verò cruciatus & tormenta patietur: quamuis electis non sit lux cœle-  
stis defutura, ad miraculorum illorum falsitatem discernendam, & animum  
in tantis tribulationibus & calamitatibus resumendum.

TRIPLICI hoc amorum genere vincet mundanos homines Anti-  
christus: quæ anima significata sunt per c *Spiritus tres immundos*, quos vidit  
S. Ioannes *prodire de ore Draconis, & ore bestia in modum ranarū*. Antichristus  
enim eiusque ministri loquaces erunt, & garruli: totamque vim suam col-  
locabunt in verborum eloquentia, & specie miraculorum potius quam in  
rationum veritate ac soliditate. & ita innumeros post se trahent peccato-  
res, quemadmodum licet conijcere ex strage ab Antichristis, qui ipsum  
tanquam figura & umbra ipsius præcesserunt, edita. Nam quemadmodum  
idem Sanctus Ioannes dicit: *d multos Antichristos factos iam esse*, quales fue-  
runt Nerones, Diocletiani, alijque Tyranni, Ecclesiæ persecutores; quibus  
tamen Hæresiarchæ præferuntur, quales Arius, Lutherus, Calvinus & alij,  
qui falsis argumentationibus crudele illi bellum indixerunt, magnamque  
hominum huius mundi partem ad se traxerunt. Et hodie sunt etiam mul-  
ti Antichristi laruati, qui tanquam hostes crucis Christi D.N. crudele oc-  
cultum bellum illi continè mouent. Tibi verò nominatim Antichri-  
stus censendus est, quicumque à verò Christo te trahit aliquo ex prædictis  
titulis & motiuis, cuius persuasione si cesseris: iam in te signum recipis, & i-  
maginè Antichristi, æmulando quod is facturus est tanquā caput peccato-  
rum, qui eius sunt membra. Ac propterea dicitur e *operari* in eis occultū sue  
*iniquitatis mysterium*. Quapropter meritiò timere debes sententiam contra  
eum latā, *si qui characterem bestia acceperit, quod scil. bibet de vino ira Dei, nullā*  
*admixtā eius misericordiā, sed multis admixtis fæcib⁹, varijsq; ac puris vi-*  
*nis tremendæ eius ira: & cruciabitur igne & sulphure in conspectu angelorū San-*  
*ctorum, & ante conspectum Agni, nec requiem habebit die ac nocte. Accedetque*

Tres funi-  
culi Anti-  
Christi.

b Matt. 24.  
24.

S. Cyrill.  
Hieroso. Ca.  
t. ches. 15.  
S. Greg. l. 31.  
Moral. c. 13  
S. Sidor. l. 1  
de summo  
bono c. 8.

c Apoc. 16.  
13.

Antichristi  
prodromi.

d 2. Io. 2.  
18.

Antichri-  
stus parti-  
cularis.

e 2. Thes. 2.  
7.

S. Thom. 3.  
2. q. 8. 8.  
Apoc. 14.  
o 12.

*Patientia  
Sanctorum.*

maior illa confusio, quod videbis te talia tormenta pati in conspectu eorum, qui vehementer optarunt te praevenire, ut ea evaderes, offerentes etiam tibi veniam. Quamobrem diligenter attende, quid S. Ioannes dicat: *hic patientia Sanctorum est: hic lapis lydius est, in quo patientia dignoscitur virtusque Sanctorum: qui nec promissionibus, nec minis aut rationibus, cedunt Antichristi & ministrorum eius. Cogita diligenter cuius membrum esse velis, & cuius imaginem accipere: an Christi, quae est eius crux cum vita sanctitate? an Antichristi, quae est superbia cum culpa & aeditate? O Salvator dulcissime, tuam imaginem volo, promissionem accepto, minas timeo, rationes amplector, & veneror miracula. His armis oppugnabo peccatum; tuoque hosti resistam, confidens, de tua omnipotentia, quod vincam tandem infernalem eius furorē.*

§. 3. *Mundi turbatio.*

*a Sapi. 5. 21.  
b Matt. 24.  
29.  
Luc. 21. 25  
c Joel. 2. 31.*

**T**ERTIA horribilis illius turbationis causa erit mundi ipsius omniumque eius creaturarum confusio & perturbatio, à Dei Sapientia & Iustitia ita constituta ad puniendos peccatores, eò quod illis abuti fuerint: *apugnabit enim (ut Sapiens dixit) cum illo orbis terrarum contra insensatos, ut vindictam sumat de ijs, qui adversus eum rebellaverunt. Tunc b sol obscurabitur, & luna non dabit lumen suum: eò quod illi intellectum suum admissis erroribus obscurarunt; lucemque oderunt, ut liberius peccare possent: c luna converteretur in sanguinem: quia illi voluntatem suam peccatorum sanguine defecerunt; b virtutes Caelorum movebuntur, ut supplicij prodigijs malos puniant, qui Dei oblii, virtutum regnum destruxerunt? b stelle cadent de caelo tanquam fulmina adversus eos: quia ipsi à Fide ceciderunt; gratiaque splendorem amiserunt, immergentes se in culpa abyssum. In aere tremenda erunt tonitrua, horrendae ventorum tempestates; eò quod illi permiserunt se vanitatis vento furijque passionum abduci. In terra tremores erunt ac terra motus horrendi: eò quod illi nullam in bono firmitatem habuerunt, sed praetere timore celererunt, ibi timentes, ubi non erat quod timerent, fera fremunt & ululabunt ad eò, ut horrorem & timorem illis incutiant: eò quod ipsi bestiarum mores secuti ab hominum ingenuitate degeneraverunt. Tunc implebitur, quod Sanctus Ioannes dixit de septem Angelis habentibus septem phialas in manibus suis plenas irae Dei: quas cum effunderent in terram, d factum est vulnus saevum & pessimum in homines. Mare fiet tanquam sanguis, & morietur omnis anima vivens in mari; similiter flamma & fontes sicut sanguis, ut aliam potum non inveniant, quam sanguinem, qui sanguinem istorum effuderunt. Sol quoque ignis radios ex se emittit, & astrictos affiget, ut vehementer aestuent, & eorum viscera adurantur. In aere terribiles strépitus, vocesque tremendae audientur; decidentque grandines & sexa-*

*Apoc. 16.  
& infra.*

ingen-

ingentia, quæ illos venementer irascunt, omniaque comminuant eum ad eò vehementi illorum sensu, vt *propria lingua* mordeant, & *manducant præ dolore*, & impatientia rabida, *blasphemantes Deum cæli habentem potestatem super has plagas*, quibus illos ad eò possit affligere. Hæc omnia euenient impœnitentibus peccatoribus. & quamuis tanta illa tamque horrenda sint, de eis tamen dicit ipse Saluator: *est initium dolorum hæc*: & veluti punctum quoddam, & solum initium eorum, quæ toleranda supersunt, quæ erunt infinita. Denique à quatuor mundi partibus ignis veniet, qui comburet eos, & in cineres rediget, consumetque omnia pretiosa terræ: qui ignis perseverabit, donec, postquam illi surrexerint, dies ipsa iudicij eos comprehendat, & vltima sententia in eos prolata, tanquam turbo eos rapiet, proijcietque in infernum, cuius sunt æterna tormenta: eò quod obstinate voluerint in suis peccatis æternum herere. Quis non timebit te ó Rex gentium? quis audebit ex aureo Babylonis calice bibere, credens se bibiturum calicem vini indignationis iræ tuæ? quis aures suas obduret ad diuinam tuam vocationem, intelligens, venturam super se horrendam ad eò tribulationem, quæ vel ex auditu solo, ingentem incutiat metum? O sol Iustitiæ: ne, quæso, obscureris mihi, aut meas tenebras cesses illustrare, vt luce tua illustratus, ex eis exire cupiam. O virgo sanctissima, pulchra vt Luna: ne mihi conuertaris in sanguinem, tractesque me pro meritis, eò quod ex tua misericordia fructum capere non studuerim! O virtutes cæli, quæ ad errorem incutiendum modis que prodigiosis peccatores puniendos mouebimini: mouemini nunc, vt sancto me timore perterreatis, qui mei sit remediij principiu. O anima mea, attēde, te in medio huius tribulationis versari; & omnino submergēdam, nisi peccatum deponas, quod eius est causa. Attēde *f Deum non despicere* Sacrificium spiritus contribulati, cordisq; contriti & humiliati: quod si nūc ei offeras, euanescent ipsa tribulatio, cessante culpa, propter quam illa inmittitur: & quando *præ timore imminētis periculi arescem*, alij tu *caput eleuabis* cum magna lætitia ob *appropinquantem redemptionem*, quam speras. Acquiesce cælestis tui Magistri consilio, dicentis: *Vigilate omni tempore orantes, vt digni habeamini fugere ista omnia, quæ futura sunt; & stare ante filium hominis*: ne in eius iudicio confundamini; sed honoremini, præmiaq; recipiatis ob præstitam præceptis & consilijs eius obedientiam.

RELIQVA omnia, quæ in hoc vniuersali Iudicio peccatoribus euenient (quæ fufius expendimus in prima parte Meditationum) efficacissima sunt ad nos excitandos, vt vocationi diuinæ obtemperemus. Tuba, quæ mortuos excitabit, vt surgant, & in iudicio illo cōpareant, cuius voci nullus poterit resistere; miserimum corpus, quod ei dabitur, qui, vt illi indulgeret, diuinæ restitit vocationi; ipsius Iudicis aduentus cum vexillo crucis, emittens

Initium  
dolorum.

c Mar. 13. 8.

f Psalm. 50.

Luc 21. 26.  
36.

ira radios per loca vulnerum in eos, qui fructum ex eis capere noluerunt: separatio eorum à bonis, qui fuerunt oves Christi, eiusque vocem audierunt: qua separatione ad sinistram Iudicis constituentur, qui vocem illius audire neglexerunt; promulgatio delictorum ac rebellionum, vt ad omnium notitiam perueniant; horrenda Dæmonis accusatio, & propria cuiusque conscientia; asperrima Iudicis reprehensio; vox vitimæ sententia, qua, illos à cælo repellens, ad ignem damnabit æternum; eiusdem sententia executio in conspectu omnium Iustorum, nullo eorum subsidium eis ferente, aut pro eis intercedente; quod terra ipsa aperiatur, viuosque trajiciat; & ita claudatur in æternum absque vlla spe Deum videndi, nec se à tot tormentis expediendi: hæc inquam omnia voces sunt & clamores te excitantes, & prouocantes, vt ostendas te ouem esse Christi pastoris æterni, obediendo ipsius voci, & amplectendo quæ iubet ac inspirat, vt peccati statum dimittas. Si enim hoc feceris, fors tua mutabitur; dabiturque tibi corpus gloriosum & splendens; collocaberis ad manum Iudicis dexteram; manifestabuntur opera tua bona, & pœnitentiæ, quas propter mala fecisti; blando & iucundo te aspiciet vultu; honorabit coram angelis & hominibus; compellabit te dulcissima illa voce, qua omnes iustos vocabit. venite benedicti Patris mei: possidete regnum vobis præparatum ab origine mundi: ac demum cum ingenti honore secum deducet ad cælum empyreum, vbi immensæ gloriæ thronum tibi constituet, vt infinitis bonis fruaris, quibus ipse fruitur. O Pastor supreme, qui tuam vitam pro ouibus posuisti, vt eas ab æterna morte inferni que lupis liberares: ouis tua esse cupio, vocemque tuam audire, & vitam imitari: admitte me, quæso, ad veram pœnitentiam, vt in die vltimæ rationis reddendæ merear ad tuam dexteram collocari, & ad regnum tuum tecum ascendere, vbi te fruar in æternum, Amen.

## CAPVT XVII.

*PECCATORES ORATIONIBVS ET MISERICORDIA OPERIBVS OBTINERE POSSE EFFICACEM SUAM VOCATIONEM & CONFESIONEM.*

**Q**VAMVIS exploratum sit, peccatorem ex iustitia, nec vocationem suam, nec vitam gratiæ promereri posse; quia Dei inimicus nihil facere potest, quod apud ipsum sit meritorium: æquè tamen certum est, ex diuino auxilio posse aliqua opera facere, quæ Theologi dispositiones remotas appellant, quibus disponit se, vt DEVS benignè & misericorditer ipsum vocet efficaciter, oportune

scilicet